

Kommunal og moderniseringsdepartementet

Anja Hamre

57 65 56 06

16/82/ANJHAM
103//&13

26.02.2016

MELDING OM VEDTAK

Sak 9/16 Høyring - nytt inntektssystem for kommunane

Leikanger formannskap handsama saka i møte og gjorde fylgjande vedtak:

Leikanger formannskap vedtek:

- **Leikanger kommune meiner at «strukturkriteriet» slik det nå er forma med direkte kopling til basistilskotet vil gje dramatiske negative økonomiske konsekvensar for mange kommunar. Dei fleste senterkommunar mellom 5000 – 20 000 innb saman med nabokommunar vil tape på framlegget medan kommunar som ligg utanfor avstandsgrensene, men likevel høyrer til same bu- og arbeidsregionen, vil tene på omlegginga. Dette står ikkje i samsvar med regionalpolitiske mål om å bygge vekstkraftige byregionar som motor for regional utvikling og styrkt regional balanse. Det er heller ikkje i samsvar med intensjonane i kommunereforma, der betre fungerande kvardagsregionar skal styrke utviklingskraft og ei meir heilskapleg samfunnsutvikling. Leikanger meiner «strukturkriteriet» ikkje må koplast saman med basistilskot og kostnadsnyklane men formast som ei eiga ordning i inntektssystemet.**
- **Leikanger kommune støttar ikkje ei omlegging av «småkommunetilskotet» som kan føre til at mindre kommunar risikerer å miste tilskotet enten heilt eller delvis. Ei slik omlegging vil ramme enkelte kommunar alt for hardt og Leikanger meiner det ikkje er rett å bruke inntektssystemet så direkte som tvang inn i kommunereforma.**

- **Inntektsutjamninga må vidareførast og skatteandelen av kommunane sine inntekter må ikkje aukast.**
- **Leikanger er samd i at delkostnadsnyklane for barnehagar vert basert på tal heiltidstilsette og at barnehagegruppa blir utvida til 1 – 5 åringar.**
- **Kommunar som gjer vedtak om samanslåing i 2016 må vera garantert eit rammetilskot på nivå med inndelingstilskotet i den nye kommunen dersom vedtaket vil føre til at rammetilskotet blir redusert i mellomperioden fram til 1.1.20120.**
- **Verknadene for Leikanger ved nytt inntektssystem, slik det er lagt fram, vil vere dramatisk. Leikanger vil frå 2017 ikkje kunne gje innbyggjarane lovpålagde tenester, slik dei har krav på.
Leikanger kommune meiner ei omlegging av inntektssystemet må innrettast slik at distriktskommunane samla kjem minst like godt ut som i dag.**

Med helsing

Anja Hamre
leiar Serviceekspedisjonen

Kopi til: